



MALAYSIA

JANM jayakan semua projek di Kampung Angkat MADANI di Batu Pahat



Bernama

24/01/2026 | 20:15 MYT



Majlis serah siap projek berkenaan berlangsung pada Sabtu yang disempurnakan Akauntan Negara Malaysia, Zainani Jusoh dan turut dihadiri Ahli Parlimen Batu Pahat, Onn Abu Bakar. - Gambar JANM

BATU PAHAT: Semua projek yang dirancang bagi Kampung Angkat MADANI Jabatan Akauntan Negara Malaysia (JANM) di Kampung Minyak Beku, di sini, berjaya disiapkan.

Ringkasan AI

- Projek Kampung Angkat MADANI JANM di Kampung Minyak Beku, Johor berjaya disiapkan, termasuk menaik taraf pagar kubur, Balai Islam, tandas Masjid Jamek Haji Arshad, dan saluran paip 19 buah rumah untuk meningkatkan kualiti hidup komuniti.
- Majlis serah siap projek tersebut turut dihadiri Akauntan Negara Malaysia Datuk Zainani Jusoh dan Ahli Parlimen Batu Pahat Onn Abu Bakar, yang menekankan komitmen kerajaan dalam memberi pulangan sosial bermakna kepada rakyat.
- Kampung Minyak Beku dipilih sebagai Kampung Angkat MADANI JANM, menunjukkan kesungguhan kerajaan dalam memastikan projek pembangunan dikelola dengan cermat untuk kebaikan masyarakat setempat.

JANM dalam kenyataan pada Sabtu memaklumkan, projek berkenaan termasuk menaik taraf pagar kubur, Balai Islam dan tandas Masjid Jamek Haji Arshad bagi menyediakan kemudahan lebih selesa serta kondusif untuk aktiviti keagamaan dan kemasyarakatan.

Anda mungkin berminat pada artikel ini

- [Isu tular 'Yeye': TDM tingkat penguatkuasaan, teguhkan komitmen integriti](#)
- [FBP 2025 promosi Balik Pulau sebagai produk pelancongan budaya](#)
- [RM50 juta selenggara rumah ibadat bukan Islam tahun ini - Nga](#)
- [PM Anwar seru umat Islam imarah masjid dengan aktiviti ilmiah](#)
- [Nilai kebersamaan tanggungjawab bersama, tidak terbatas pada agama, bangsa - Sultan Pahang](#)
- [Tin arak sengaja diletak depan pintu surau kondominium](#)

"Selain itu, projek menaik taraf saluran paip 19 buah rumah bagi menyelesaikan isu bekalan air bersih yang dihadapi penduduk dalam meningkatkan kualiti hidup dan kesejahteraan komuniti turut berjaya disiapkan," menurut kenyataan itu.

Majlis serah siap projek berkenaan berlangsung pada Sabtu yang disempurnakan Akauntan Negara Malaysia, Datuk Zainani Jusoh dan turut dihadiri Ahli Parlimen Batu Pahat, Onn Abu Bakar.

Sementara itu, Zainani berkata, projek itu mencerminkan komitmen kerajaan dalam memastikan setiap sen yang dibelanjakan memberi pulangan sosial bermakna kepada rakyat.

"Kita juga ingin merakamkan penghargaan atas kerjasama strategik agensi kerajaan dan komitmen dalam memantau serta memastikan projek dapat disiapkan dengan sempurna," katanya.

Kampung Minyak Beku telah dipilih dan diluluskan sebagai Kampung Angkat MADANI JANM oleh Kementerian Kewangan pada Mac 2025.

-- BERNAMA




Power Affairs.

Weekdays at 9.45pm
Channel 501 Astro AWANI

VISIT US NOW
<https://international.astroawani.com/>

FOLLOW US NOW



Cara lain mengikuti berita kami

- [Telegram](#)

#aktiviti keagamaan #bekalan air #Parlimen #Kampung Angkat MADANI